



REPUBLIKA E SHQIPËRISË

KOMISIONERI PËR MBIKËQYRJEN E SHËRBIMIT CIVIL

Nr. 1629/1 Prot

Tiranë, më 03.12.2019

V E N D I M

Nr.151, datë 03.12.2019

“Mbi përfundimin e verifikimit të kryer në institucionin e qeverisjes vendore Bashkia Mat në lidhje me evidentimin e rasteve të emërimeve në kundërshtim me ligjin në pozicione pune që janë pjesë e shërbimit civil, si dhe zbatimin e standardeve ligjore në strukturimin e shërbimit civil, në përputhje me parimet e ligjit për nëpunësin civil, të filluar me urdhrin nr. 65, datë 12.9.2019, të Komisionerit”.

Në mbështetje të kompetencave ligjore të parashikuara në pikën 1, të nenit 11, nenet 14 dhe 15, të ligjit nr. 152/2013 “Për nëpunësin civil”, të ndryshuar, të ligjit nr. 44/2015 “Kodi i Procedurave Administrative i Republikës së Shqipërisë”, si dhe Rregullores “Mbi procedurat e mbikëqyrjes/inspektimit”, miratuar me vendimin nr. 17, datë 11.3.2015, të Komisionerit për Mbikëqyrjen e Shërbimit Civil, pas shqyrtimit të relacionit në lidhje me verifikimin e kryer në njësinë e vetëqeverisjes vendore Bashkia Mat,

VËREJ SE,

Komisioneri për Mbikëqyrjen e Shërbimit Civil, me qëllim mbikëqyrjen e zbatimit të ligjshmërisë në administrimin e shërbimit civil, në lidhje me emërimet në shërbimin civil, si dhe zbatimin e standardeve ligjore në strukturimin e shërbimit civil, si pjesë e rëndësishme e strukturës organizative të institucionit, me urdhrin nr. 65, datë 12.9.2019 “Për fillimin e procesit të inspektimit në lidhje me rastet e emërimeve në kundërshtim me ligjin në pozicione pune që janë pjesë e shërbimit civil në njësitë e vetëqeverisjes vendore, si dhe verifikimi i zbatimit të standardeve ligjore në strukturimin e shërbimit civil, si pjesë e rëndësishme e strukturës organizative të institucionit në përputhje me parimet e ligjit për nëpunësin civil”, ka nisur kryesisht procesin e verifikimit në të gjitha njësitë e vetëqeverisjes vendore, ku përfshihet edhe Bashkia Mat.

Verifikimi u realizua nëpërmjet vizitës në subjekt nga grupi i inspektimit, i autorizuar nga Komisioneri për këtë qëllim. Nga aktet e administruara gjatë inspektimit në subjekt, ka rezultuar se, Bashkia Mat, është e organizuar dhe funksionon sipas vendimit të Këshillit të Bashkisë Mat nr. 2, datë 04.01.2019 *“Për numrin e përgjithshëm të punonjësve të Bashkisë Mat për vitin 2019”*, i ndryshuar, i cili ka përcaktuar numrin e përgjithshëm të punonjësve të Bashkisë Mat dhe institucioneve në varësi për vitin 2019. Në zbatim të këtij vendimi, Kryetari i Bashkisë Mat, ka nxjerrë urdhrin nr. 17, datë 21.1.2019 *“Për miratimin e strukturës dhe organikës së Bashkisë Mat”*, i ndryshuar me urdhrin nr. 111, datë 04.04.2019 *“Për një ndryshim në urdhrin nr. 17, datë 21.01.2019 “Për miratimin e strukturës dhe organikës së Bashkisë Mat”*.

Sipas strukturës, Bashkia Mat së bashku me njësitë administrative në përbërje të saj, ka gjithsej **72** pozicione pune të vlerësuara si pjesë e shërbimit civil, të cilat sipas kategorive të shërbimit civil klasifikohen: **1** pozicioni i kategorisë së mesme drejtuese, **4** pozicione të kategorisë së mesme drejtuese, **16** pozicione të kategorisë së ulët drejtuese dhe **51** pozicione të kategorisë ekzekutive.

Gjatë procesit të verifikimit në subjekt, u konstatua se, **49** pozicione pune të shërbimit civil, janë plotësuar në zbatim të kërkesave të ligjit nr. 152/2013 *“Për nëpunësin civil”*, të ndryshuar dhe aktet nënligjore në zbatim të tij; **16** pozicione të shërbimit civil, rezultojnë aktualisht janë plotësuar me punonjës të punësuar me akt emërimi apo kontrata të përkohshme dhe jo sipas një procedure konkurrimi të hapur, e cila është e vetmja mënyrë për të plotësuar pozicionet e punës të kategorisë ekzekutive, apo nëpërmjet lëvizjes paralele apo ngritjes në detyrë, për pozicionet e nivelit drejtues; ndërsa **7** pozicione të shërbimit civil rezultojnë të lira.

Konkretisht, rastet e emërimeve në kundërshtim me ligjin evidentohen si më poshtë, ku specifikohet punonjësi që kryen aktualisht detyrën, pozicioni i punës, si edhe akti i emërimit i nxjerrë nga titullari i institucionit:

1. *****, *“Përgjegjës i Sektorit të Protokollit dhe Arkivës”*, emëruar me urdhrin nr. 212, datë 04.07.2018 *“Për komandim punonjësi”*.
2. *****, *“Specialist i Sektorit të Protokollit dhe Arkivës”*, emëruar me urdhrin nr. 373, datë 14.11.2018 *“Për emërim punonjësi”*.
3. *****, *“Specialiste e Turizmit”*, emëruar me urdhrin nr. 167, datë 10.05.2019 *“Për emërim punonjësi”*.
4. *****, *“Përgjegjës i Sektorit të Financës”*, emëruar me urdhrin nr. 346, datë 02.09/2019 *“Për emërim në detyrë”*.
5. *****, *“Drejtor i Drejtorisë së Shërbimeve Bashkiake”*, emëruar me urdhrin nr. 330, datë 04.09/2019 *“Për emërim në detyrë”*.
6. *****, *“Përgjegjës i Sektorit të Infrastrukturës”*, emëruar me urdhrin nr. 181, datë 18.04.2016 *“Për komandim punonjësi”*.

7. *****, “Përgjegjës i Sektorit të Arsimit, Sportit dhe Kulturës”, emëruar me urdhrin nr. 107, datë 29.03.2018 “Për komandim punonjësi”.
8. *****, “Përgjegjës në Sektorin e Administrimit të zyrav me një ndalesë dhe IT”, emëruar me urdhrin nr. 140, datë 07.04.2019 “Për emërim punonjësi”.
9. *****, “Përgjegjës i Sektorit të Auditit”, emëruar me urdhrin nr. 576, datë 26.09.2016 “Për komandim punonjësi”.
10. *****, “Specialiste e ndihmës ekonomike”, emëruar me urdhrin nr. 294, datë 23.05.2016 “Për emërim punonjësi”.
11. *****, “Specialiste e tatim taksave”, emëruar me urdhrin datë 04.04.2007 “Për emërim punonjësi”, me arsim të mesëm, transferuar nga ish Komuna.
12. *****, “Specialiste e ndihmës ekonomike”, pranë Njesisë Administrative Lis, me arsim të mesëm, emëruar me urdhrin nr. 352, datë 06.09.2019 “Për emërim punonjësi”.
13. *****, “Specialist i ndihmës dhe paaftësisë”, pranë Njesisë Administrative Macukull, me arsim të mesëm, emëruar me urdhrin nr. 198, datë 02.05.2017 “Për emërim punonjësi”.
14. *****, “Specialiste e ndihmës ekonomike”, pranë Njesisë Administrative Derjan, me arsim të mesëm, emëruar me urdhrin nr. 256, datë 22.12.2015 “Për emërim punonjësi”.
15. *****, “Specialist i Kadastrës së tokës bujqësore”, pranë Njesisë Administrative Derjan, me arsim të mesëm, emëruar me urdhrin nr. 254, datë 16.05.2016 “Për emërim punonjësi”.
16. *****, “Specialist i Kadastrës së tokës bujqësore”, pranë Njesisë Administrative Ulëz, me arsim të mesëm, emëruar me urdhrin nr. 169, datë 13.04.2016 “Për emërim punonjësi”.

Komisioneri konstaton se, aktet e emërimit të evidentuara më sipër, kanë dalë në kundërshtim me ligjin, pasi, për çdo marrëdhënie të re pune, që lidhet pas fillimit të efekteve të ligjit nr. 152/2013 “Për nëpunësin civil”, të ndryshuar, në bazë të nenit 22, 23, 25 dhe 26 të tij, duhet të respektohen detyrimisht kërkesat e një procedure të rregullt konkurrimi. Çdo emërim që bëhet në kundërshtim me këtë rregull, është absolutisht i pavlefshëm.

Vërejmë se, duke vepruar në këtë mënyrë, titullari i institucionit, ka vepruar në kundërshtim me procedurën e nxjerrjes së aktit, referuar parashikimeve të legjislacionit në fuqi, ç’ka në vështrim të nenit 108, pikat i) dhe ii) të shkronjës “a” dhe shkronjës “ç”, të ligjit nr. 44/2015 “Kodi i Procedurave Administrative i RSH”, i bën aktet absolutisht të pavlefshëm.

Për më tepër, ndalimi i emërimit në kundërshtim me procedurën, është theksuar shprehimisht në pikën 4, të nenit 23, të ligjit nr. 152/2013 “Për nëpunësin civil”, të

ndryshuar, për të mos lejuar subjektivitet apo keqinterpretime në implementimin e kësaj dispozite në praktikë.

Në vijim të këtij arsytimi, në bazë të nenit 110, pika 1, të ligjit nr. 44/2015 “Kodi i Procedurave Administrative i RSH”, veprimi administrativ absolutisht i pavlefshëm nuk sjell asnjë pasojë juridike, pavarësisht faktit nëse është konstatuar apo jo si i tillë.

Nisur nga detyrimi i parashikuar nga neni 111, i ligjit në fjalë, vetë organi publik, në këtë rast Kryetari i Bashkisë Mat, duhet të konstatojë në këto veprime administrative, ekzistencën e rasteve të parashikuara në nenin 108, të ligjit si më lart, dhe në bazë të pikës 1, të nenit 113, të po këtij ligji, të konstatojë menjëherë pavlefshmërinë absolute të këtyre akteve dhe të rregullojë pasojat duke ndërprerë marrëdhënien e punës të lidhur në kundërshtim me procedurat ligjore dhe më tej, duke i shpallur si të lira këto pozicione, për t’u plotësuar në përputhje me ligjin për nëpunësin civil.

Pozicionet në fjalë, duhet të plotësohen me anën e procedurave të konkurrimit të hapur, sipas përcaktimeve të ligjit nr. 152/2013 “Për nëpunësin civil”, të ndryshuar dhe akteve nënligjore dalë për zbatim të tij, apo nëpërmjet procedurave të lëvizjes paralele dhe të ngritjes në detyrë.

Njësia përgjegjëse, gjatë zhvillimit të procedurave të konkurrimit, duhet të kujdeset të përmbushë rregullat e përcaktuara në kreun IV “Pranimi në shërbim civil”, të ligjit nr.152/2013 “Për nëpunësin civil”, të ndryshuar, vendimin nr. 242, datë 18.3.2015, të Këshillit të Ministrave “Për plotësimin e vendeve të lira në kategorinë e ulët dhe të mesme drejtuese”, vendimin nr. 243, datë 18.3.2015, të Këshillit të Ministrave “Për pranimin, lëvizjen paralele, periudhën e provës dhe emërimin në kategorinë ekzekutive”, si dhe udhëzimin nr. 2, datë 27.3.2015, të Departamentit të Administratës Publike “Për procesin e plotësimit të vendeve të lira në shërbimin civil nëpërmjet procedurës së lëvizjes paralele, ngritjes në detyrë për kategorinë e mesme dhe të ulët drejtuese dhe pranimin në shërbimin civil në kategorinë ekzekutive nëpërmjet konkurrimit të hapur”.

Për këto arsye:

Në mbështetje të kompetencave ligjore të përcaktuara në nenin 11, pika 1, nenet 14 dhe 15, të ligjit nr. 152/2013 “Për nëpunësin civil”, të ndryshuar, referuar Seksionit III, “Procedura hetimore”, të ligjit nr. 44/2015 “Kodi i Procedurave Administrative i Republikës së Shqipërisë”, si dhe Rregullores “Mbi procedurat e mbikëqyrjes/inspektimit”, miratuar me vendimin nr. 17, datë 11.3.2015, të Komisionerit për Mbikëqyrjen e Shërbimit Civil,

V E N D O S A:

1. Me synim rregullimin e situatës së ligjshmërisë së administrimit të shërbimit civil, të kërkoj nga Kryetari i Bashkisë Mat, të konstatojë menjëherë, si akte administrative

absolutisht të pavlefshëm, **16** rastet e emërimit të punonjësve në kundërshtim me ligjin në pozicione pune që janë pjesë e shërbimit civil dhe të rreullojë pasojat për punonjësit:

- ***** , “Përgjegjës i Sektorit të Protokollit dhe Arkivës”, emëruar me urdhrin nr. 212, datë 04.07.2018 “Për komandim punonjësi”.
- ***** , “Specialist i Sektorit të Protokollit dhe Arkivës”, emëruar me urdhrin nr. 373, datë 14.11.2018 “Për emërim punonjësi”.
- ***** , “Specialiste e Turizmit”, emëruar me urdhrin nr. 167, datë 10.05.2019 “Për emërim punonjësi”.
- ***** , “Përgjegjës i Sektorit të Financës”, emëruar me urdhrin nr. 346, datë 02.09/2019 “Për emërim në detyrë”.
- ***** , “Drejtor i Drejtorisë së Shërbimeve Bashkiake”, emëruar me urdhrin nr. 330, datë 04.09/2019 “Për emërim në detyrë”.
- ***** , “Përgjegjës i Sektorit të Infrastrukturës”, emëruar me urdhrin nr. 181, datë 18.04.2016 “Për komandim punonjësi”.
- ***** , “Përgjegjës në Sektorin e Administrimit të zyrav me një ndalesë dhe IT”, emëruar me urdhrin nr. 140, datë 07.04.2019 “Për emërim punonjësi”.
- ***** , “Përgjegjës i Sektorit të Auditit”, emëruar me urdhrin nr. 576, datë 26.09.2016 “Për komandim punonjësi”.
- ***** , “Specialiste e ndihmës ekonomike”, emëruar me urdhrin nr. 294, datë 23.05.2016 “Për emërim punonjësi”.
- ***** , “Specialiste e tatim taksave”, emëruar me urdhrin datë 04.04.2007 “Për emërim punonjësi”, me arsim të mesëm, transferuar nga ish Komuna.
- ***** , “Specialiste e ndihmës ekonomike”, pranë Njesisë Administrative Lis, me arsim të mesëm, emëruar me urdhrin nr. 352, datë 06.09.2019 “Për emërim punonjësi”.
- ***** , “Specialist i ndihmës dhe paaftësisë”, pranë Njesisë Administrative Macukull, me arsim të mesëm, emëruar me urdhrin nr. 198, datë 02.05.2017 “Për emërim punonjësi”.
- ***** , “Specialiste e ndihmës ekonomike”, pranë Njesisë Administrative Derjan, me arsim të mesëm, emëruar me urdhrin nr. 256, datë 22.12.2015 “Për emërim punonjësi”.
- ***** , “Specialist i Kadastrës së tokës bujqësore”, pranë Njesisë Administrative Derjan, me arsim të mesëm, emëruar me urdhrin nr. 254, datë 16.05.2016 “Për emërim punonjësi”.
- ***** , “Specialist i Kadastrës së tokës bujqësore”, pranë Njesisë Administrative Ulëz, me arsim të mesëm, emëruar me urdhrin nr. 169, datë 13.04.2016 “Për emërim punonjësi”.

2. Njësia përgjegjëse, të shpallë menjëherë për t'u plotësuar pozicionet e shërbimit civil që, në kuptim të ligjit, janë vende vakante, si dhe ato të plotësuara në kundërshtim me ligjin dhe më tej, të vijojë realizimi i procedurave të konkurrimit sipas strukturës aktuale dhe nevojave që do të ketë institucioni në momentin e ekzekutimit të vendimit.
3. Institucioni të përgatitë dhe të miratojë planin e nevojave për rekrutimin në shërbimin civil për vitin e ardhshëm, për pozicionet e mbetura vakant deri në shkurt të vitit 2020, duke respektuar procedurat dhe afatet e përcaktuara në vendimin nr. 108, datë 26.2.2014, të Këshillit të Ministrave “Për planin vjetor të pranimit në shërbimin civil”.
4. Për kryerjen e këtyre veprimeve administrative, lihet afat **3 (tre) muaj** nga marrja dijani për këtë vendim. Institucioni i inspektuar dhe njësia përgjegjëse, duhet të zbatojnë këtë vendim, duke u bazuar në orientimet e dhëna në pjesën arsyetuese të tij.

Me kalimin e këtij afati, subjekti i mbikëqyrur, njësia e vetëqeverisjes vendore Bashkia Mat, duhet të njoftojë me shkrim Komisionerin për Mbikëqyrjen e Shërbimit Civil, në lidhje me zbatimin e këtij vendimi.

5. Në rast të moszbatimit të këtij vendimi paralajmërues, Komisioneri do të vijojë procesin për rregullimin e shkeljeve të konstatuara, sipas parashikimeve të pikës 2, të nenit 15, të ligjit nr. 152/2013 “Për nëpunësin civil”, të ndryshuar, duke përdorur mjetet ligjore për të rikthyer ligjshmërinë në administrimin e shërbimit civil, nëpërmjet gjatimit të nëpunësit përgjegjës për mos zbatimin e masave të përcaktuara në dispozitivin e vendimit.
6. Për këtë vendim të njoftohet Kryetari i Bashkisë Mat, Njësia Përgjegjëse e Bashkisë Mat, Ministria e Brendshme, Prefekti i Qarkut Dibër, si dhe çdo punonjës që është i emëruar në kundërshtim me ligjin dhe që është i evidentuar në këtë vendim.

Ky vendim hyn në fuqi menjëherë.

KOMISIONERI

Pranvera Strakosha